



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati
Ac Religiosissimi viri, Carthusiae Coloniensis ante annos
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati
restituta, & indicibus locupletata

De Tempore

Landsberg, Johannes Justus

Coloniae Agrippinae, 1631

fuit derelictus à suis discipulis Articulus XIX.

[urn:nbn:de:hbz:466:1-47044](https://nbn-resolving.org/urn:nbn:de:hbz:466:1-47044)

mus illicita, vel prouocãtia ad concupiscẽtias luxuriã, gulẽ vel auaritiã. Ita captiuauerunt sensus suos quãdam sanctã virgines, vt etiã præter manus vel pedes nudam propriam carnem in corpore, nunquam videre voluerint ob amorem castitatis. Captiuemus aures, vt non audiamus rumores secularis, qui semper ferẽ maculant conscientiam, & gignunt vanas cogitationes. Non audiamus detractiones, verba impudica, quia dicit Apostolus: *Currunt bonos mores, colloquia mala.* Captiuemus manus ab illicito tactu. Captiuemus totam voluntatem nostram, sub voluntate superiori nostri in voluntatem Dei. Captiuemus totum corpus nostrum, in seruitutem Dei.

Aures.

1. Cor. 13.

Manus.

Voluntatem.

Corpus.

IESVS VOLENS FUIT LIGATVS.

Articulus XVIII.

Ligari quia

soliti fuerint.

Esaia 4.

Ligare in no-

bis mysticẽ

quãnam de-

beamus.

Lingua à qui-

bus liganda

sunt.

Vinculo quo-

nam lingua

liganda.

Postquam Iesum mitissimum agnum rabidi canes comprehenderunt, & contumelijs & verberibus repleuerunt, quantum voluerunt: *ligauerunt eum.* Non omnes capri ligabantur, sed qui maioribus criminibus erant obnoxij & mortis rei, & talem æstimabant, vel æstimari volebant Dominum Iesum. Compariamini pijsimo Iesu, habeatis quẽ viscera misericordie super eo. Ecce in cuius potestate, in cuius manu sunt omnia, & nihil ipse teneat, nihil in mundo subsistit, permittit se ligari & tractari ab illis, quibus dat viuere & esse, qui ante ipsum sunt puluis & cinis. Discamus ex hoc articulo nos ligare scilicet omnes sensus nostros, corpus nostrum, animam nostram, omnesquẽ vires & passiones ipsius ad seruiendum Deo, vt propositum nostrum bonum sit, stabile & firmum, & non inueniamur ita inconstantes. Habeamus omnia membra nostra ligata, vt nihil loquamur, nihil faciamus quo Deus offendatur, aut proximus lædatur. Multi nostrum indigerent ligari in lingua: Nos sumus nimis prompti & incontinentes ad loquendum, quicquid nobis in buccam venerit. Patres nostri posuerunt vinculum pro lingua, scilicet silentium: & si rumpitur hoc, reficiatur cum virga. Sed nil curamus. Habeamus aliud melius vinculum, timorem Dei, qui est certẽ optimum vinculum contra omnia peccata. Quando etiam cogitamus hunc articulum, rogemus vt Dominus Iesus nos à vinculis peccatorum liberet, & vinculis charitatis insolubiliter liget.

IESVS FUIT DERELICTVS A SVIS

discipulis. Articulus XIX.

Iob. 19.

Cum discipuli vidissent crudelitatem hostium, mansuetudinemq; Magistri sui, quod permitteret se adeo indignè & pœnoscẽ tractari sine aliqua resistentia vel contradictione, *relictõ eo omnes fugerunt.* Cogitans quanto dolore cor Iesu torquebatur, cum filij sui, discipuli sui, fratres sui, ira eum relinquentes, fugiebant, quibus chariores non habebat (matre excepta) in hoc mundo. Vnde etiam per beatum Iob pro speciali dolore conquectus est, quod per istos dies cantandum est: *Fratres mei se elongauerunt à me, & non mei quasi alieni recesserunt à me.* Pensate tristitiam discipulorum fugientium, sicut orphani sine patre: nescientes quo deberent ire: quia dulcissimus Magister auferebatur ab eis.

Habemus autem hic primo documentum, vt videamus ne fugiamus.

Domi-

Domino. Ille fugit, qui propter aliquod temporale commodum, vel tentationem aliquam relinquit iustitiam, aut veritatem. Et generaliter in omni peccato mortali, fugitur à Deo. Secundo consolamur, si forte in necessitatibus nostris deserimur ab amicis, quos putabamus fideliores, quia & Christo hoc factum est.

Fugere mystice quina dicitur à Christo.

IESUS DVCTVS EST AD ANNAM. Articulus XX.

In hoc articulo considerare habetis, quibus contumelijs, verberibus, iniurijs, clamore, armorum strepitu & clangore mansuetissimum agnum trahebant & impellebant, quando captum & ligatum eum duxerunt ad Annam. Fuit autem hæc ductio violenta, ignominiosa & dolorosa. Violenta quia tractu & verberibus. Licer enim Dominus sponte ibat sicut agnus ad victimam, nihilominus tamen non ducebant, sed potius trahebant eum, vnus sursum, alius deorsum, alius deorsum, alius sinistrorsum: ita vt Dominus sæpius cecidisse credatur, nec se iuuare potuisse: quia ligatas habuit manus, & cum surgere cito non poterat, super terram tractus putatur. Isti enim tribaldi, quicquid ex industria doloris & confusionis excogitare poterant, Domino inferebant. Secundo fuit ignominiosa, quia ducebatur vt latro, scilicet vincis manibus (vt multi scribunt) post tergum. Tertio dolorosa, quia multos dolores passus est in corpore & in corde. Nonies legitur Dominus Iesus ductus à media nocte, quando fuit captus, vsque ad meridiem quando fuit crucifixus. Primo fuit ab horto, quando captus fuit & ductus ad Annam: Et hæc est ductio, de qua nunc loquimur. Secundo, duxerunt eum ab Anna, ad Caipham. Tertio, à Caipha ad Pilatum. Quarto, à Pilato, ad Herodem. Quinto, ab Herode, iterum ad Pilatum. Sexto, milites duxerunt eum intro in prætorium, vbi illuserunt ei coronam spineam cruciantes eum. Septimo, Pilatus eduxit eum foras, portantem coronam spineam. Octauo, eduxit eum ad locum, vbi sedit pro tribunali. Nono, fuit eductus ad locum Caluarie, vbi fuit crucifixus. Has nouem ductiones representant homines deuoti hodie, quando nouem Ecclesias, vel nouem altaria visitant, & deberent etiam cogitare, quid in qualibet ductione Dominus Iesus passus esset, & quid ab vna vsque ad aliam. Qui autem non vult, vel non potest visitare tot Ecclesias, deberet vel posset tot Pater noster dicere, & tot genuflexiones, vel prostrationes facere: & sic Domino Iesu pro singulis gratias agere. Possent hic multa moraliter dici, sed maneamus cum passione Domini.

Ductio hæc quam fuerit violenta.

Item. II.

Ignominiosa. Dolorosa.

Ductus vti fuerit Christus nonies ignominiosus.

Ductiones hæc nouem qui mystice honorantur.

IESVS FVIT PRÆSENTATVS ET EXAMINATVS ANTE ANNAM. Artic. XXI.

Interim quod Dominus fuit in horto captus, congregauerunt se Scribæ & Pharisei in domo Caiphæ, qui erat Pontifex anni illius, & ad quem ducendus erat Iesus. Sed quia in via, domum Annæ præterire habebant qui ducebant Iesum, & quia Annas erat socer Caiphæ, ad reuerentiam illius duxerunt primo Dominum ad Annam. Annas ergo pontifex interrogauit Iesum de discipulis suis, & de doctrina eius: Ad primam interrogationem Iesus nihil respon-

Ioan. 12.

Ioan. 18.

MM 3; dit,

VI
21